

Apelacioni sud Brčko distrikta Bosne i Hercegovine u vijeću sastavljenom od sudija Damjana Kaurinović, kao predsjednika vijeća i sudija Maide Kovačević, Dragane Tešić, Srđana Nedić i Ilje Klaić kao članova vijeća, u postupku ocjene usklađenosti pravnih akata Brčko distrikta Bosne i Hercegovine, postupajući po inicijativi PANEX D.O.O. Brčko distrikt BiH, Nikole Tesle broj 39, Brčko, na osnovu člana 37. tačka b. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10) i člana 29. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10), na sjednici vijeća održanoj dana 05.03.2014. godine, d o n i o j e

R J E Š E N J E

Obustavlja se postupak za ocjenu usklađenosti člana 2. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH („Službeni glasnik Brčko distrikta BiH“, broj 27/13).

Obrazloženje

Dana 27.06.2013. godine PANEX D.O.O. Brčko distrikt BiH, podnio je inicijativu za ocjenu usklađenosti članova 2, 3, 4. i 11. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH, broj: 01.11-1031DS-13/13 od 04.06.2013. godine, sa članom 13. Statuta Brčko distrikta BiH, sa članom 6. i članom 10. Zakona o preduzećima Brčko distrikta BiH („Službeni glasnik Brčko distrikta BiH“, broj 49/11), Zakonom o platnim transakcijama Brčko distrikta BiH („Službeni glasnik Brčko distrikta BiH“, broj 5/01) i Zakonom o bankama Brčko distrikta BiH („Službeni glasnik Brčko distrikta BiH“, broj 5/03 i 19/07).

S obzirom da inicijativa nije sadržavala potrebne podatke propisane članom 31. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10), tačnije, nije sadržavala jasno oznaku članova Zakona o platnim transakcijama i Zakona o bankama u odnosu na koje se traži ocjena usklađenosti, smatrana je nepotpunom i shodno članu 10. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10), Sud je dopisom, broj: 097-o-OUS-13-000008 od 16.09.2013. godine, od inicijatora zahtijevao otklanjanje navedenog nedostatka u ostavljenom roku.

Podneskom od 10.10.2013. godine inicijator je otklonio nedostatke, navodeći da traži ocjenu usklađenosti člana 2. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH, broj, 01.11-1031DS-13/13 od 04.06.2013. godine, sa članom 13. Statuta Brčko distrikta BiH, članom 6. i

članom 10. Zakona o preduzećima Brčko distrikta BiH („Službeni glasnik Brčko distrikta BiH“, broj 49/11), članom 6. Zakona o platnim transakcijama Brčko distrikta BiH („Službeni glasnik Brčko distrikta BiH“, broj 5/01) i članom 2. u vezi sa članom 1. Zakona o bankama Brčko distrikta BiH („Službeni glasnik Brčko distrikta BiH“, broj 5/03 i 19/07).

Podnosilac inicijative smatra da je davanje ovlašćenja za naplatu naknade za upotrebu puteva stanicama za tehnički pregled vozila koje posluju kao d.o.o. čije je sjedište registrovano kod Osnovnog suda Brčko distrikta BiH i čiji je registrovani kapital najmanje 1 (jedan) milion KM, u suprotnosti sa članom 13. Statuta i da predstavlja diskriminaciju pravnih lica po osnovu imovinskog statusa, oblika organizovanja i sjedišta poslovanja i rada, ta da je takođe u suprotnosti sa članom 6. i članom 10. Zakona o preduzećima Brčko distrikta BiH („Službeni glasnik Brčko distrikta BiH“, broj 49/11), članom 6. Zakona o platnim transakcijama Brčko distrikta BiH („Službeni glasnik Brčko distrikta BiH“, broj 5/01) i članom 2. u vezi sa članom 1. Zakona o bankama Brčko distrikta BiH („Službeni glasnik Brčko distrikta BiH“, broj 5/03 i 19/07).

U skladu sa odredbom člana 15. Zakona o postupku ocjene usklađenosti pravnih akata Brčko distrikta BiH i rješavanja sukoba nadležnosti i člana 8. stav 8. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanju sukoba nadležnosti, Sud je dopisom broj 097-O-OUS-13-000008 od 20.12.2013. godine zatražio mišljenje donosioca osporavanog akta o podnesenoj inicijativi.

Donosilac osporavanog akta nije dostavio traženo mišljenje.

U postupku ocjene usklađenosti osporavanog pravnog akta utvrđeno je da je isti donesen 29. i 31.05.2013. godine i objavljen u Službenom glasniku Brčko distrikta BiH, broj 27/13. Međutim, tokom postupka utvrđeno je da je osporavani pravni akt stavljen van snage članom 15. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH, koja je donesena 4. i 6. decembra 2013. godine i objavljena u Službenom glasniku Brčko distrikta BiH, broj 2/14.

Imajući u vidu nastalu pravnu situaciju, odnosno da je u toku ovog postupka prestao da važi pravni akt čija se ocjena usklađenosti traži, Sud je ocijenio da su time prestale i procesne pretpostavke za dalje vođenje postupka, saglasno članu 37. tačka b. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10) i člana 29. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanju sukoba nadležnosti („Službeni glasnik Brčko distrikta BiH“, broj 45/10).

Takođe je utvrđeno da je sada važećom Odlukom o visini godišnje naknade za upotrebu puteva koja se plaća pri registraciji vozila u Brčko distriktu BiH („Službeni glasnik Brčko distrikta BiH“, broj 2/14), osporavana odredba usaglašena sa odredbom Statuta i zakonima Brčko distrikta BiH, u odnosu na koje je tražena ocjena usklađenosti.

Naime, prethodnim članom 2. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH ("Službeni glasnik Brčko distrikta BiH", broj 27/13), bilo je propisano da se naknada za upotrebu puteva uplaćuje u stanicama za tehnički pregled vozila koje posluju kao d.o.o. čije je sjedište registrovano kod Osnovnog suda Brčko distrikta BiH i čiji je registrovani kapital najmanje 1 (jedan) milion KM. Sada važećim članom 2. Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH ("Službeni glasnik Brčko distrikta BiH", broj 2/14), propisano je da se naknada iz člana 1. odluke uplaćuje na račun JP „Putevi“ Brčko distrikt BiH, u skladu sa članom 57. stav 2. Zakona o putevima Brčko distrikta BiH ("Službeni glasnik Brčko distrikta BiH", broj 43/04, 19/07, 17/09 i 9/13).

Saglasno navedenom, a na osnovu člana 37. Zakona o postupku ocjene usklađenosti pravnih akata Brčko distrikta Bosne i Hercegovine i člana 29. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, Apelacioni sud obustavlja postupak za ocjenu statutarosti i zakonitosti osporenih odredaba Odluke o visini godišnje naknade za upotrebu puteva koja se plaća pri registraciji vozila u Brčko distriktu BiH ("Službeni glasnik Brčko distrikta BiH", broj 27/13), jer je u vrijeme trajanja postupka pred Apelacionim sudom predmetni akt prestao da važi.

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 97 o U 001429 13 Ous
Brčko, 05.03.2014. godine

PREDSJEDNIK VIJEĆA

Damjan Kaurinović

Da je ovaj otpравak rješenja
saglasan sa izvornikom
tvrdi i ovjerava pisarnica Suda